

**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**KANTONALNO TUŽILAŠTVO-TUŽITELJSTVO**  
**ZENIČKO-DOBOJSKOG KANTONA**  
**Z E N I C A**  
**Broj: T04 0 KT 0050623 24**  
**Zenica, 03.02.2025. godine**

**OPĆINSKOM SUDU U TEŠNJU**  
*- Sudiji za prethodno saslušanje -*

Na osnovu člana 45. stav 2. tačka i) u vezi sa članom 241. stav 1., člana 242. stav 1. Zakona o krivičnom postupku F BiH, *p o d i ž e m*

### **OPTUŽNICU**

*Protiv,*

**M. S.**, osuđivan,

*što je,*

dana 26.09.2022. godine, na području općine T., suprotno odredbama člana 4. stav 1., 2, 3. i 5., a u vezi sa članom 19. i 20. Zakona o sprečavanju i suzbijanju zloupotrebe opojnih droga BiH, iako je bio svjestan da je držanje opojne droge zabranjeno zakonom, to je i htio, pa je kod sebe radi dalje neovlaštene prodaje držao jedan prozirni pvc paketić sa sadržajem suhe zeljaste materije, zelene boje, neto težine 1,355 grama, za koju biljnu materiju je vještačenjem utvrđeno da sadrži psihoaktivnu komponentu tetrahidrokanabinol (THC), identično kao cannabis, koja opojna droga je pod rednim brojem 13. Liste opojnih droga iz tabele I „Zabranjene tvari i biljke“ proglašena takvom, jednu prozirnu pvc vrećicu, oblijepljenu na vrhu prozirnog selotejp trakom sa sadržajem bijelo žute praškaste materije neto težine 21,188 grama, za koju materiju je vještačenjem utvrđeno da sadrži psihoaktivnu komponentu amfetamin, poznatija kao opojna droga „speed“ koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom i jednu metalnu drobilicu sa tragovima zeljaste materije, za koju biljnu materiju je vještačenjem utvrđeno da sadrži psihoaktivnu komponentu tetrahidrokanabinol (THC), identično kao cannabis, koja opojna droga je pod rednim brojem 13. Liste opojnih droga iz tabele I „Zabranjene tvari i biljke“ proglašena takvom, a koju opojnu drogu i predmet je dobrovoljno predao policijskim službenicima, prilikom zaustavljanja i kontrole u mjestu K., o čemu mu je izdata potvrda o privremenom oduzimanju predmeta,

čime je počinio krivično djelo neovlašćena proizvodnja i stavljanje u promet opojnih droga iz člana 238. stav 1. KZ F BiH.